

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0055087 25
Zenica, 15.10.2025. godine

OPĆINSKI SUD U VISOKOM
- Sudiji za prethodno saslušanje -
VISOKO

Na osnovu člana 45. stav 2. tačka i) i h) u vezi sa članom 241. stav 1., člana 350. Zakona o krivičnom postupku F BiH, p o d i ž e m

O P T U Ź N I C U

Protiv:

O. E., ..., neosuđivan

što je:

dana 24.09.2023. godine, oko 18,30 sati, u mjestu ..., grad Visoko, na regionalnom putu Visoko-Ilijaš, dok se nalazio za upravljačem pmv-a marke „...“ reg. oznaka broj: ..., nakon što se njegov poznanik D. E. popeo na krov njegovog vozila i na isti legao „potrbuške“ uhvativši se rukama za štokove na krovu vozila, svjestan da se isti nalazi u tom položaju na krovu vozila i da bi pokretanjem vozila isti mogao pasti sa krova na zemlju, ali je olako držao da do toga neće doći, pa postupajući suprotno odredbama člana 36. stav 1. Zakona o osnovama bezbjednosti saobraćaja na putevima u BiH, u dva do tri navrata naglo pokrenuo vozilo naprijed, a potom unazad, kojom prilikom je došlo do destabilizacije tijela D. E. na krovu, a potom i do njegovog pada na kolovoz, pri čemu je isti zadobio teške tjelesne povrede u vidu preloma desne sljepoočne kosti, manjeg krvnog podliva iznad moždanih ovojnica u predjelu povrede oko desne sljepoočne kosti te nagnječno-razdernu ranu na glavi desno tjemenom, te ovakvom opasnom radnjom u saobraćaju ugrozio javni promet i tako doveo u opasnost život i tijelo D. E.,

čime je počinio krivično djelo teška krivična djela protiv sigurnosti javnog prometa iz člana 336. stav 3. u vezi člana 334. stav 2. u vezi sa stavom 1. KZ F BiH.